



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

თაქთაქიშვილი ოთარ ვასილის ძე



ო. თაქთაქიშვილი

თაქთაქიშვილი ოთარ ვასილის ძე (27. VII. 1924, თბილისი, – 21. II. 1989, იქვე), კომპოზიტორი. საქართვე. (1961) და სსრკ (1974) სახ. არტისტი, შოთა რუსთაველის სახ. სახელმწ. პრემიის (1987), სსრკ სახელმწ. (3 გზის – 1951, 1952, 1967) და ლენინური პრემიის (1983) ლაურეატი. 1947 დაამთავრა თბილ. კონსერვატორია (ს. ბარხუდარიანის საკომპოზიციო კლასი). 1947-52 იყო საქართვე. საგუნდო კაპელის კონცერტმაისტერი და დირიჟორი, 1952-56 – სამხატვრო ხელმძღვანელი, 1959-იდან – თბილ. კონსერვატორიის პედაგოგი (1966-იდან – პროფესორი), ხოლო 1962-65 – რექტორი. თ. იყო სსრკ-ის კომპოზიტორთა კავშირის მდივანი (1957-62), საქართვე. კომპოზიტორთა კავშირის თავმჯდომარე (მცირე ხნით, 1962), საქართვე. კულტ. მინისტრი (1965-84). მისი შემოქმედება ჟანრობრივად მრავალფეროვანი და თემატურად მდიდარია,

აღმოცენებულია მკვიდრ ეროვნ. საფუძველზე. თ-ის მნიშვნელოვანი ნაწარმოებებია: ოპერები – „მინდია“ (1961, დაიდგა საქართველოსა და საზღვარგარეთის 10 ქვეყნის სცენაზე), „სამი ნოველა“ [1967, თბილ. ოპერისა და ბალეტის თეატრი; სახელწოდებით „სამი სიცოცხლე“ დაიდგა აგრეთვე მოსკოვში სტანისლავსკისა და ნემიროვიჩ-დანჩენკოს სახ. მუს.-დრამ. თეატრში (1972) და ბრატისლავაში (1974)], „მთვარის მოტაცება“ (1977, პრემიერა სსრკის დიდ თეატრში, 1978 – თბილ. ოპერისა და ბალეტის თეატრში); კომიკური ოპერები – „მუსუსი“ (1978) და „პირველი სიყვარული“ (1980, თბილისი); ერთმოქმედებიანი – „მარიტა“ (1988, გ. ლეონიძის მიხედვით); სიმფ. პოემა „მწირი“

(1956), 4 საფორტეპიანო კონცერტი (1951–83), სავიოლინო კონცერტი (1977), ჩელოს კონცერტი (1978), საფორტეპიანო კვინტეტი (1986), ვოკალური ციკლები ვაჟა-ფშაველასა და გ. ტაბიძის ლექსებზე (1959), ორატორიები „ჩაუქრობელი კერა“ (1964; II რედ. 1970), „რუსთაველის ნაკვალევზე“ (1964, ი. აბაშიძის ამავე სახელწ. ლექსების ციკლის მიხედვით), „ნიკოლოზ ბარათაშვილი“ (1970), კანტატები – „გურული სიმღერები“ (1971), „მეგრული სიმღერები“ (1972, სიუიტა სოლისტის, ვოკალური ოქტეტისა და კამერული ორკესტრისათვის), „სატრფიალო სიმღერები“ (1974), „აკაკის ჩანგი“ (1983, სიუიტა სოლისტების, გუნდისა და საკრავიერი ანსამბლისათვის), საგუნდო და საკრავიერი პიესები, მუსიკა დრამ. სპექტაკლებისათვის („ოიდიპოს მეფე“ – თბილ. შოთა რუსთაველის სახ. თეატრის დადგმა, „ზამთრის ზღაპარი“ – მოსკ. სამხატვრო თეატრის დადგმა).

თ. იყო საქართვე. სსრ სახელმწ. ჰიმნის (1945–90) ავტორი; იუნესკოსთან არსებული საერთაშ. მუს. საბჭოს პრეზიდენტის წევრი; ლენინური პრემიის კომიტეტის წევრი; თბილ. საპატიო მოქალაქე (1985). მიღებული აქვს სახელმწ. ჯილდოები.

ლიტ.: ა ხ მ ე ტ ე ლ ი მ., ო. თაქთაქიშვილი, «საბჭოთა ხელოვნება», 1967, N9; დ ო ნ ა ძ ე ლ., ოთარ თაქთაქიშვილის შემოქმედება (I პერიოდი), იქვე, 1984, N7; ტ ო რ ა ძ ე გ., ოდა სულმნათს, იქვე, 1966, N10; ჩ ხ ი კ ვ ა ძ ე გ., საქართველოს საბჭოთა კომპოზიტორები, თბ., 1956; ჭ ი რ ა ქ ა ძ ე გ., ოთარ თაქთაქიშვილის გვერდით, თბ., 1999 (ქართ. და რუს. ენებზე).

ოთარ თაქთაქიშვილის სახლმუზეუმი, დაარსდა 1998, გაიხსნა 1999 ივნისში. დაცულია კომპოზიტორის სამუშაო ოთახის ინტერიერი; სახლზე არის მემორიალური დაფა (თბილისი, ოთარ თაქთაქიშვილის ქ. N7).

გ. ტორაძე
